

CONVENIO DE COLABORACIÓN ENTRE A CONSELLERÍA DE CULTURA, EDUCACIÓN E ORDENACIÓN UNIVERSITARIA E A UNIVERSIDADE DA CORUÑA PARA O DESENVOLVEMENTO DE ACCIÓNS DE I+D+i.

Santiago de Compostela, 2 de novembro de 2017

COMPARECEN

conselleiro de Cultura, Educación e Ordenación Universitaria (en diante a Consellería), nomeado mediante o Decreto 148/2016, do 13 de novembro (DOG núm. 17 do 13 de novembro), de acordo co disposto no artigo 34 da Lei 1/1983, do 22 de febreiro, de normas reguladoras da Xunta e da súa Presidencia e no acordo do Consello da Xunta de Galicia do 27 de marzo de 1991, sobre convenios de cooperación con outros entes públicos e de colaboración con particulares, publicado pola Resolución da Consellería de Economía e Facenda do 8 de abril de 1991 (DOG núm. 82, do 30 de abril).

reitor magnífico da Universidade da Coruña (en adiante UDC), en representación desta, en virtude das facultades que lle confire o artigo 20.1 da Lei orgánica 6/2001, do 21 de decembro, de universidades.

Interven en función dos seus respectivos cargos e no exercicio das facultades que teñen conferidas e

EXPOÑEN

PRIMEIRO.- As universidades que integran o Sistema universitario de Galicia (en adiante SUG) son entidades de dereito público que, xunto coa misión docente, realizan actividades de investigación e desenvolvemento científico e tecnolóxico o que as configura como un dos principais axentes xeradores de coñecemento en Galicia.

Un feito relevante é que en Galicia a universidade pública é o lugar onde máis se investiga. O impulso da actividade investigadora é un obxectivo irrenunciable para calquera sociedade e por iso é necesario fomentar unha maior integración entre os centros de investigación e os sectores produtivos, incidir na cultura da calidade e

eficacia na utilización das infraestruturas e do capital humano que permitan unha mellora significativa na totalidade dos sectores produtivos e, a súa vez, a potenciación dunha universidade galega de calidade.

SEGUNDO.- A Secretaría Xeral de Universidades é o órgano superior da Administración xeral da Comunidade Autónoma de Galicia para a ordenación, planificación e execución das competencias en materia de universidades e ensinanzas universitarias correspondentes á Consellería de Cultura, Educación e Ordenación Universitaria en relación coas atribuídas polo artigo 31 do Estatuto de Autonomía de Galicia. A Secretaría Xeral de Universidades, de acordo coas competencias que lle outorgou o Decreto 4/2013, do 10 de xaneiro, de estrutura orgánica da consellería, debe velar pola promoción e xestión eficiente e integrada dos recursos e capacidades de investigación do SUG para a súa vertebración e posta en valor no marco do sistema de innovación. Tal xestión concrétese na promoción, deseño e materialización dos instrumentos necesarios para mellorar o financiamento estrutural da súa actividade investigadora.

TERCEIRO.- Na actualidade a investigación configúrase como fundamento da docencia e como medio para o desenvolvemento científico e cultural da sociedade, a través da transferencia de coñecemento. O sistema público de I+D en Galicia, no ámbito universitario, ven amosando unha mellora da capacidade investigadora e dos seus resultados tanto pola adecuada estruturación dos recursos e da actividade de investigación coma pola mellora da súa calidade.

Para garantir a produción dunha investigación de calidade por parte do sistema galego de I+D+i é esencial contar con estratexias e estruturas eficaces que xeren unha contorna favorable á investigación e fortalezan un sistema integral que garanta a excelencia científica.

Compre polo tanto afrontar un conxunto de medidas e accións concretas a desenvolver por actores específicos para mellorar as infraestruturas, intensificar a actividade investigadora e aumentar a produtividade científica mediante a diversificación na chegada de recursos.

CUARTO.- Que H2020 é a estratexia de especialización da Unión Europea para facer fronte á crise e acadar unha economía intelixente, sustentable e integradora que goce de

altos niveis de emprego, de produtividade e de cohesión social. Nesta estratexia des-tácase o papel fundamental da investigación e da innovación na preparación da Unión Europea ante os desafíos futuros e sinala cinco ambiciosos obxectivos en materia de emprego, innovación, educación, integración social e clima/enerxía.

A estratexia Europa 2020 considera que o apoio á investigación e á innovación terá que desenvolverse ao redor da excelencia científica, as industrias competitivas e unha mellor sociedade, centrando o investimento nos principais problemas comúns de todos os europeos, como o cambio climático e a competitividade da enerxía renovable ou os desafíos dunha poboación cada vez máis envellecida.

Non se debe esquecer que, no marco estratéxico común 2014-2020, a Comisión Euro-pea considera a innovación como un dos obxectivos temáticos aos que se destina-rán os fondos comunitarios nese período. O investimento público orientarase ao que se denomina “concentración temática”, cunha política aplicada a prioridades moi con-cretas que favorezan o crecemento, a adecuación dos fondos ás propostas das rexións onde se apliquen, seguindo unha estratexia de gasto baseada nas súas propias nece-sidades e retos do seu desenvolvemento.

QUINTO.- Estímase que as actuacións previstas no presente convenio son coherentes co Plan estratéxico de Galicia 2015-2020, correspondéndose co seu Eixo E1 (“Empregabilidade e crecemento intelixente”), Prioridade de actuación PA01 (“Impulso de consolidación das políticas de gasto vencelladas ao I+D+i”), no obxectivo estratéxico OE02 (“Mellorar a capacidade investigadora e os resultados da investigación uni-versitaria galega”).

SEXTO.- Que, a partir da situación actual, a Consellería e a UDC consideran neces-a-rio impulsar a ordenación, estruturación e potenciación da INVESTIGACIÓN.

Por conseguinte, as partes abaixo asinantes acordan subscribir o presente convenio, que se rexerá polas seguintes

CLÁUSULAS

PRIMEIRA.- Obxecto do convenio

O obxecto deste convenio é establecer as condicións polas que se rexerá a colaboración entre a consellería e a UDC para o desenvolvemento de accións estratéxicas de I+D+i co fin de estruturar e potenciar a actividade investigadora da propia UDC.

SEGUNDA.- Actuacións

1. Urbanismo e equipamento para a mellora da investigación.

Urbanismo e equipamento para a mellora da investigación		
CONCEPTO	Importe 2017 (sen IVE)	Importe 2018 (sen IVE)
Rehabilitación e acondicionamento de edificios para a mellora de unidades de investigación así como a realización da reforma, ampliación ou mellora de envoltentes en edificios. As actuacións realizaranse en: servizos de apoio á investigación, Centro de cálculo (CECAFI), Centro de investigacións científicas avanzadas (CICA), Centro de investigación tecnolóxica en edificación (CITEEC) e servizos centrais de investigación.	146.818,00 €	
Mellora das instalacións e maquinaria no que se poden incluír diferentes actuacións como climatización en laboratorios, renovación dos espazos ou o acondicionamento das instalacións. As actuacións realizaranse no CICA para a renovación de células detectoras de gases, no CECAFI para a mellora na instalación de climatización, no ESCI para a mellora na instalación de climatización da sala de RACKS do CPD. Realizaranse melloras das instalacións no laboratorio de investigación na Facultade de Ciencias e na instalación de climatización do Centro de investigación en tecnoloxías da información(CITIC).	65.703,00 €	
Mobiliario e equipamentos para os centros de investigación, unidades de transferencia ou laboratorios de investigación con equipamento ou mobiliario que permitan mellorar tanto a calidade como a seguridade das súas infraestruturas. Financiarase a adquisición dun equipo multifunción de escáner, impresión dixital, planos de arquitectura para investigación para os servizos de apoio á investigación, mobiliario e equipamento para mellorar o interior e a funcionalidade dos centros tecnolóxicos (CITEEC, CICA, CIT, CITIC) e dos laboratorios de investigación da ETS Enxeñaría de camiños, canais e portos e Equipos de protección individual (EPI's) e colectivas para investigadores/as de laboratorios científicos ou/e centros tecnolóxicos.	73.967,00 €	
Renovación de instalacións, adquisición de equipamento para a mellora da habitabilidade e prevención de riscos en ámbitos de investigación		135.000,00 €
Almacén para produtos químicos no ESCI		150.000,00 €
Acondicionamento de soto para animalario no Centro de investigacións científicas avanzadas (CICA)		30.000,00 €
	286.488,00 €	315.000,00 €
TOTAL	601.488,00 €	

2. Eficiencia enerxética

Inclúe diferentes actuacións cuxo obxecto é conseguir un maior aforro enerxético tanto no que se refire a consumo de enerxía eléctrica, calefacción e de luz.

Concepto	Importe 2017
Asesoría técnica ESCI, Informática e Filoloxía	21.700,00 €
Sistemas de información enerxética	30.697,00 €
Estudos para a mellora da Sustentabilidade na Reitoría e no ESCI	28.795,00 €
Actuacións de mellora da eficiencia enerxética no INEF	58.808,00 €
Total (IVE engadido)	140.000,00 €

3. Cofinanciamento dos investimentos en infraestruturas e equipamento científico-técnico concedidos nominalmente pola Resolución do 7 de decembro de 2016, da Presidencia da Axencia Estatal de Investigación.

Anos 2017/2018

Esta acción aplícase ao cofinanciamento da achega económica que a UDC necesita para afrontar o custe total dos investimentos subvencionados, concedidos nominalmente pola Resolución do 7 de decembro de 2016, da Presidencia da Axencia Estatal de Investigación, do procedemento de concesión de axudas a infraestruturas e equipamento científico-técnico.

Como resultado da proposta presentada pola institución, a UDC recibe unha subvención de 2.166.994,00 € na resolución da convocatoria, o orzamento correspondente ao 20% da actuación ascende a cincocentos corenta e un mil setecentos corenta e oito euros (541.748,00 €), distribuído en 2017 (150.816,00 €) e 2018 (390.932,00 €).

A Consellería comprométese a achegar a parte do investimento que debe afrontar cada universidade en relación ás actuacións subvencionadas segundo o recollido na indicada Resolución, coa seguinte desagregación:

Infraestrutura	Centro	Subvención concedida (80%)	Cofinanciamento (20%)	Importe total (sen iva)
Microscopio electrónico	SAI	441.420,00 €	110.355,00 €	551.775,00 €
Micro-espectrómetro de fluorescencia de Raios X	SAI	134.400,00 €	33.600,00 €	168.000,00 €
Actualización de un equipo de ablación Láser	SAI	112.000,00 €	28.000,00 €	140.000,00 €



Infraestrutura	Centro	Subvención concedida (80%)	Cofinanciamento (20%)	Importe total (sen iva)
Ampliación e renovación da infraestrutura para a análise da contaminación química e microbiolóxica	SAI	149.297,00 €	37.324,00 €	186.622,00 €
Actualización e mellora do sistema de monitorización da calidade do aire	IUMA	118.020,00 €	29.505,00 €	147.525,00 €
Caracterización de sistemas fluidoseblados baseados en nanopartículas e nanocomposite.	CICA	153.962,00 €	38.490,00 €	192.452,00 €
Plataforma científica para ensaios de Hidroloxía Urbana	CITEEC	230.240,00 €	57.560,00 €	287.800,00 €
Infraestrutura científica para a caracterización avanzada e modelización de materiais en enxeñaría civil	CITEEC	408.356,00 €	102.089,00 €	510.445,00 €
Controlador de ensaios multipropósito	CITEEC	100.000,00 €	25.000,00 €	125.000,00 €
Mellora de las instalacións y equipos do CITEEC para a fabricación de formigón e a medida das súas propiedades en estado fresco	CITEEC	87.339,00 €	21.835,00 €	109.174,00 €
Lector de TL-OSL equipado cun sistema de medida Single-grain	I Xeoloxía	111.760,00 €	27.940,00 €	139.700,00 €
CPD para o CITIC	CITIC	120.200,00 €	30.050,00 €	150.250,00 €
TOTAL		2.166.994,00 €	541.748,00 €	2.708.742,00 €

A aportación disribuírase:

2017	2018	TOTAL
150.816,00 €	390.932,00 €	541.748,00 €

4. Renovación ou innovación tecnolóxica

Trátase de realizar accións dirixidas á renovación ou mellora do equipamento informático especializado, tanto do hardware como do software.

Infraestrutura	Importe 2017
Ampliación do hardware da infraestrutura VDI, engadindo 4 novos servidores de última xeración	100.591,00 €
Actualización do software da infraestrutura do VDI	35.565,00 €
Renovación dos equipos de acceso a catálogos de información OPAC (Online Public Access Catalog) das bibliotecas	644,00 €
Mellora do sistema de backup e adquisición dunha librería de cintas LTO7	4.661,00 €
Equipamento informático especializado e licenzas de software, renovación e adquisición de equipamento tecnolóxico e licenzas	183.539,00 €
Total	325.000,00 €

5. Proposta de accións para Campus de Especialización

Traballos nos planos dos Campus de Especialización: Campus Innova e Campus de Sustentabilidade.

Accións	Importe 2017
Traballo de análise da situación de partida, realización dunha análise das fortalezas e das capacidades distintivas ou singularidades dos Campus de Elviña, Zapateira, Oza, Riazor e Oleiros.	21.500,00 €
Deseño das accións estratéxicas para o Campus Innova, identificación das liñas de especialización e deseño de accións estratéxicas.	20.900,00 €
Deseño das accións estratéxicas para o Campus da Sustentabilidade.	20.500,00 €
Deseño do marco organizativo e legal da xestión dos proxectos de investigación asociados aos diferentes centros de investigación.	18.000,00 €
Deseño dunha nova oferta formativa con orientación internacional axustada as necesidades das áreas de investigación, transferencia, docencia e internacionalización.	19.100,00 €
Total (ive engadido)	100.000,00 €

6. Promoción do Centro Singular

Acción	Importe 2017
Trátase de organizar unhas xornadas de portas abertas e de difusión do centro singular do CITIC.	15.000,00 €

7. Reforzo de capital humano

Acción	Importe 2017	Importe 2018	Total
Este persoal vai desenvolver a actividade de investigacións, as actividades na Oficina do Campus Industrial e continuar coas actividades de apoio á investigación e transferencia e de xestión da oficina do Campus Industrial.	20.000,00 €	93.000,00 €	113.000,00 €

8. Reforzo de capital humano para servizos xerais

	2017	2018	Total
Trátase de persoal técnico de apoio á xestión, á investigación e de laboratorio para fortalecer a xestión nos servizos xerais.	10.000,00 €	36.000,00 €	46.000,00 €

TERCEIRA.- Financiamento

A dotación da CONSELLERÍA para este convenio é dun millón corenta e sete mil trescentos catro euros (1.047.304,00 €) na anualidade 2017 e de oitocentos trinta e catro mil novecentos trinta e dous euros (834.932,00 €) na anualidade 2018, o que fai un total dun millón oitocentos oitenta e dous mil douscentos trinta e seis euros (1.882.236,00 €), con cargo ao Plan galego de financiamento universitario 2016-2020 (aprobado polo Acordo do Consello da Xunta de Galicia do 29 de outubro de 2015, DOG número 221, do 19 de novembro), de acordo coa seguinte aplicación orzamentaria: 10.40.561B.744.0 código de proxecto (2016 00129), o reparto deste importe por anualidades é como se indica na seguinte táboa:

2017	2018	Total
1.047.304,00 €	834.932,00 €	1.882.236,00 €

O resumo da asignación total de recursos para as accións descritas é o seguinte:

ACCIÓN	2017	2018	Importe Total
1. Obras, instalacións, equipamento	286.488,00 €	315.000,00 €	601.488,00 €
2. Eficiencia enerxética	140.000,00 €	0,00 €	140.000,00 €
3. Equipamento científico-Tecnolóxico (cofinanciamento FEDER)	150.816,00 €	390.932,00 €	541.748,00€
4. Renovación ou Innovación Tecnolóxica	325.000,00 €	0,00 €	325.000,00 €
5. Planos estratéxicos para os Campus de Especialización	100.000,00 €	0,00 €	100.000,00 €
6. Promoción do centro singular	15.000,00 €	0,00 €	15.000,00 €
7. Reforzo de capital humano	20.000,00 €	93.000,00 €	113.000,00 €
8. Reforzo de capital humano en servizos xerais	10.000,00 €	36.000,00 €	46.000,00 €
TOTAL	1.047.304,00 €	834.932,00 €	1.882.236,00 €

Esta cantidade de 1.882.236,00 € trátase dun importe certo e queda por conta da UDC a diferenza de financiamento necesario para a total execución da actividade subvencionada, debendo ser reintegrado o financiamento público no caso e polo importe que supere o custo total e real da actividade, segundo o establecido no artigo 21.2 do regulamento da Lei 9/2007, do 13 de xullo, de subvencións de Galicia, aprobado polo Decreto 11/2009, do 8 de xaneiro.

No caso de existir baixas económicas nas adxudicacións realizadas tamén se poderán incluír aqueles investimentos en equipamento científico-tecnolóxico, infraestruturas de equipamento e mobiliario de laboratorio.

A axuda é compatible con outras concedidas para o mesmo fin, pero, en ningún caso, o importe da subvención achegada pola Consellería poderá ser de tal contía que, illada ou en concorrencia con outras subvencións, supere o custo da actividade subvencionada, tal como se establece no artigo 17.3 da Lei 9/2007, do 13 de xuño, de subvencións de Galicia.

De conformidade co artigo 31.7 da Lei 9/2007, do 13 de xuño, de subvencións de Galicia, e de conformidade co establecido no artigo 11.e) do Decreto 11/2009, do 8 de xaneiro, polo que se aproba o regulamento da Lei 9/2007, de subvencións de Galicia, a obriga de presentar a certificación do cumprimento de obrigas coa Administración pública da comunidade autónoma, coa Administración do Estado e coa Seguridade Social substituirase por unha declaración responsable de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración.

CUARTA.- Fórmula de pagamento

Para o pagamento único, a universidade achegará antes do 15 de decembro de cada anualidade:

- Unha certificación expedida polo órgano de control que corresponda na que se acredite a toma de razón en contabilidade, que se cumpriu a finalidade do presente convenio e que os fondos foron destinados a este fin, así como o detalle da realización dos gastos e dos pagamentos.
- Unha memoria explicativa das actividades desenvolvidas con cargo aos fondos recibidos que, como mínimo, deberá manifestar detalladamente as actuacións realizadas, os conceptos, procedementos de contratación, períodos de realización e pagamento dos gastos presentados. Coa memoria achegarase copia cotexada da xustificación dos gastos (facturas ou documentos contables de valor probatorio equivalente, contratos, actas, ...) e dos pagamentos, cos xustificantes das transferencia bancarias ou documentos acreditativos dos pagamentos realizados.
- Unha declaración complementaria do conxunto das axudas solicitadas, tanto as aprobadas ou concedidas como as pendentes de resolución, para este fin, das distintas administracións públicas.

- Así mesmo, deberase presentar unha declaración responsable de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración.

QUINTA.- Responsabilidade

A subscrición do presente convenio non supón relación laboral contractual ou de calquera outro tipo entre os/as profesionais que vaian desenvolver as actividades e a Consellería, de tal xeito que non se lle pode exixir ningunha responsabilidade, indirecta nin subsidiaria, polos actos ou feitos acontecidos no seu desenvolvemento.

SEXTA.- Comisión de seguimento

Para o seguimento do convenio ou coñecemento de calquera cuestión sobre a interpretación, modificación, resolución ou efectos deste que poidan xurdir, créase unha comisión mixta constituída do seguinte modo:

- Tres membros da Secretaría Xeral de Universidades, dos que un actuará como presidente/a.
- Tres membros da Universidade da Coruña.

Esta comisión actuará como órgano de vixilancia, seguimento e control do establecido neste convenio, e promoverá, se o considera conveniente, outras actuacións que poidan enriquecer o seu desenvolvemento.

Non obstante, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida serán resoltas pola Consellería.

SÉTIMA.- Vixencia do convenio

O presente convenio entrará en vigor o día da súa sinatura, sen prexuízo de que poida atender accións realizadas desde o 1 de xaneiro de 2017, e terá vixencia ata o 31 de decembro do 2018.

Non obstante o establecido no apartado anterior, este convenio poderá extinguirse por acordo mutuo e voluntario das partes, por renuncia dalgunha ou por denuncia deste por incumprimento dalgunha delas, o que se comunicará fidedignamente, logo de audiencia

desta e con, polo menos, un mes de antelación. En calquera destes casos procederase á revogación da axuda, así coma ao reintegro total ou parcial das cantidades percibidas e a esixencia de xuros de mora nos casos previstos no artigo 33 da Lei 9/2007, do 13 de xuño, de subvencións de Galicia.

OITAVA.- Natureza do convenio

De acordo co establecido no artigo 36 do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, este convenio ten un interese público, xa que de conformidade co previsto nos artigos 53 e 54 da Lei 6/2013, do 13 de xuño, do Sistema universitario de Galicia (DOG núm. 125, do 3 de xullo) corresponde á Xunta de Galicia, a través da consellería, coordinar as universidades do SUG para acadar a mellora da docencia, a investigación, a extensión universitaria, a promoción, a adaptación ás demandas e necesidades da sociedade e a realización de estudos no ámbito da docencia, investigación, innovación, xestión, ...

As actuacións de mellora de I+D+I, previstas no convenio, estenderanse ás tres universidades galegas, potenciando a racionalización do mapa universitario, podendo beneficiarse todos os grupos de investigación e agrupacións estratéxicas do SUG. A tal fin asínanse convenios singulares para a mesma temática coas outras universidades adaptados á realidade e necesidades de cada unha delas. Polo tanto, non é necesario promover a concorrência competitiva por tratarse dunha acción coordinada que inclúe a todos os posibles beneficiarios para o mesmo fin.

O presente convenio de colaboración ten a natureza dos previstos no artigo 4.1c) do Real decreto lexislativo 3/2011, do 14 de novembro, polo que se aproba o texto refundido da Lei de contratos do sector público, e realízase ao abeiro do establecido no artigo 47 e seguintes da Lei 40/2015, do 1 de outubro, de réxime xurídico do sector público, e réxese para os seus efectos polo establecido nas cláusulas deste, e no seu defecto pola normativa xeral en materia de contratos das administracións públicas e polo establecido na Lei 9/2007, do 13 de xuño, de subvencións de Galicia e o seu regulamento, aprobado polo Decreto 11/2009, do 8 de xaneiro.

De acordo co disposto na comunicación da comisión sobre o Marco de axudas estatais de investigación e desenvolvemento e innovación (2014/C 198/01), publicado no Diario Oficial da Unión Europea do 27 de xuño de 2014, a subvención contemplada neste convenio non constitúe axuda de Estado nos termos do artigo 107 do Tratado de funcionamento da Unión Europea ao tratarse de financiamento público de actividades non económicas como instrumento axeitado para dar resposta a obxectivos e fins de interese

común, en particular, a coordinación e cooperación como elemento relacional básico para a racionalización do mapa universitario e o fortalecemento do conxunto das universidades galegas respectando a identidade de cada unha delas (artigo 2, 1,c da Lei 6/2013, do 13 de xuño, do Sistema universitario de Galicia).

Non obstante a UDC deberá garantir que as actividades derivadas deste convenio axústanse ás normas procedimentais e materias vixentes no momento da concesión da axuda, debendo informar á consellería por medio da comisión de seguimento.

NOVENA.- Publicidade

Segundo a disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a UDC consente expresamente para que a Administración inclúa e faga públicos, nos rexistros regulados neste decreto, os datos relevantes referidos ás axudas e subvencións recibidas, así como ás sancións impostas. A reserva que puideran facer as beneficiarias no sentido de non autorizar a obtención dos datos ou a publicidade destes nos rexistros, que en todo caso terán que expresarse, poderá dar lugar á exclusión do proceso de participación para obter a axuda ou á revogación do acto de outorgamento.

As subvencións estarán sometidas á función interventora e de control financeiro exercida pola Intervención Xeral da Comunidade Autónoma, nos termos que establece a Lei 9/2007, do 13 de xuño, de subvencións de Galicia. Así mesmo, estarán sometidas ás actuacións de comprobación previstas na lexislación do Tribunal de Contas e do Consello de Contas no exercicio das súas funcións de fiscalización e control do destino das subvencións

En aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, de acordo co indicado na actual redacción do artigo 20 da Lei 38/2003, de 17 de novembro, xeral de subvencións e segundo o disposto nos artigos 3.1, b) e 15 da Lei 1/2016, do 18 de xaneiro, de transparencia e bo goberno, a información correspondente ao presente convenio publicárase na Base de Datos Nacional de Subvencións.

DÉCIMA.- Resolución de controversias

O presente convenio réxese en canto a súa interpretación e desenvolvemento polo ordenamento xurídico administrativo, con expresa submisión das partes á xurisdición con-

tencioso-administrativa, nos termos que se establecen no artigo 47 e seguintes da Lei 40/2015, do 1 de outubro, de réxime xurídico do sector público.

De acordo co establecido no artigo 53 de dita lei este convenio deberá ser remitido ao Consello de Contas nos termos que no mesmo se establecen.

Lido por todas as partes, por si mesmas, e como proba de conformidade co expresado no presente convenio, asínano e rubrícano por triplicado, no mesmo lugar e data que se indica ao comezo.

O conselleiro de Cultura, Educación e
Ordenación Universitaria

O reitor da UDC